

全華叢書



全
華
鏡
已



丹桃艷陽質移自武陵源柔風拂纖條鮮澤沃靈根
吐葩當春茂結實俟秋蕃盈盈大如尊有色極華丹
衛之不敢褻期以奉君餐君餐發靈和神滋生玉顏
無爲升立化恭默卽軒轅

效陸平原

流幻百年中有如水中泡虛形本不實何能永今朝
悟此造化意肆情常逍遙夜來新雨至南園秀芳苗
掇之薦美酒沖懷正陶陶斜川素心人叩門約遊遨
相携步迴澤神與品物交驚颺亂陵蟬墜照落巖猱
歸來枕肱卧遐思遡沆寥黃唐不我逮緬焉心煩勞

效陶
徵君

竹死不變節蕙焚尙餘馨秉性有恆操

徒計切

物非

至情左崦結層構中園穿空冥井花遙上白嵐影時

獻青築竈試丹訣濡毫膽酒經一爲纓笏累殊嗟神

府局事去慮將澹感來心已醒薨薨哀飢鳶累累嘆

凍蠅逝將命脩駕薄言旋故垌釃穠澆陽卉泛碧破

陰萃觀化驗羣品褰襟咏三精情素諒已展爵服吾

何營

效謝
臨川

周庭體王國漢制建神區環極法北辰元筴應蘿圖

綺殿祥飈轉丹闕寶氣浮象魏壓輦道獸環銜金鋪
宮花錦隊展御柳翠鑾圍長生臨宇縣億載握皇符
琛贄九夷集梯航百蠻輸天開庠情懌道洽臣節孚
奉觴鳩鵲殿奏疏承明廬元功在獻替昌言列都俞
殷勤宣大雅持用補嘉謨

效顏特進

少年趨京洛京洛多繁華迅河日流駛崇芒鬱巍哉
宛馬游龍行文軒流水過晨夕騁般樂張筵陳綺羅
觀禊濯曾澗行酒上陽坡宛轉七盤舞縈環北里歌
中有巖棲士如同顏闔家尋雲因翦木飲賓卻舉蘿

時盼城闕中流塵深如何自咤逸德殷頗興賢達嗟
及時不行樂長有好容華

效鮑參軍

韶光將暮芳事未經託物念時濡毫成句

入春已三月不見曜陽葩有足限戶闕而能舉物華
芳林僅只尺幃車日來過編李感明雪頰桃凝崇霞
焱開通鸞使暉媚促蜚衙要友具嘉游豈乏玉鼻騮
鈞白出川曲采綠向層阿行樂固云得將軍猶枕戈

憶山中

平生絕俗尙幽期在一壑銜卮周曲汜班坐蔭蘭薄

日嫣花欲笑風迅燕飛弱疏峰挺飛莖平楚下飢鶴
厓傾石似行澗折泉如約何時脫塵鞅賦歸躡樓屨
浩懷

漆園欲齊物伯陽期守元脩軌務絕絆沖志在潛淵
夕陰冥蕙幌晨陽煖石田外膠一以遣澹泊返自然
五圖非謬記九籀有真詮青青林間雨勃勃谷竇烟
松華行將熟采之釀紅泉

古辭四首

步月空堦下蟋蟀逼人啼急扶邛竹拄行過畫樓西

登樓望南山山峰如髻了西頭雲起處定是故人家
誰家採蓮女面如白玉盤相對悄無語風吹荷葉翻
曉行秋川上無奈秋色何芙蓉雖堪折卻愁零露多

靜室二首

靜室似僧廬絕與黃塵隔引雀喜留黍惜苔懶穿屐
有時倚幽軒情境一何寂只有巖花飛隨風亦無迹
明月出東山照見西林明龍蛇布滿地欲步還自驚
試問夜何其鳥喧似知更誰採千載意寂默乃其情

題亭上壁三首

意隨流水行卻向青山住因見落花空方悟春歸去
花飛豈解愁愁之損年華請觀未蕊時何處得飛花
山花招客笑山鳥喚人鳴相逢本偶爾花鳥亦何情
思君不可見忽見堦下花此花君手植如見君容華
嫣然索予笑不語意自佳花容方窈窕因君愈妍好
見花情尙多見君將奈何

曉行

荒鷄一再號驅車事晨征寥寥秋風肅況此華月明

萬頃琉璃中着吾一身行肝膽盡冰雪毛髮亦含清
超然鴻濛初頓覺百慮冥安得王子喬爲言此時情
始衰

四時相推斥行年五十過觸心苦無惊況復值春華
良節足游衍逝齡翻成嗟蹙眉拭花露按愁聆禽歌
氣索怯縮風顏凋仰流霞倚林思寢裊躑坡企行車
志士惜墜景達人傷逝波寧不動靈襟潛然下涕多
人生大化中飄蕭風中花百年終變滅感慨欲如何

寄遠曲

淚盡愁難盡燕歸人未歸遙知君念妾似妾憶君時
一其憂心不可寫天際望歸舟江長望不極更上一層
樓二其妾有五字詩寄君君勿忘十朝成一字字字九
回腸三其關河勞夢魂欲見杳難憑照君文繡帳相近
不如鑑四其

遣興

鶉衣皆惡顏章絨無醜容容顏未嘗異人心自不同
西鄰起高樓妖冶春穠玳筵陳圓方朝暮雜歌鍾
東家席爲門著書述軒農豈能望膏粱糠覈亦不充

一門軒蓋集一門蠹罔空是非千載定奚惜達與窮
川上夜坐約王子充同作

四山動暝色紅日下蒙翳川光生夜明一白欲無地
星斗可俯拾恍疑青天墜曠景與心涵直接溟滓際
若非隔林鍛不知有人世

病懷

人生老須至在我不敢辭老人多壽康我胡病擾之
一從嬰弱疴筋力漸告疲凌晨頻攬鏡且復傷鬢絲
固知非金石難可百年期如何未五十摧塌已不支

豈非蒲柳質望秋輒先萎歷觀宇宙內氣化相推移
試求古賢豪存者今爲誰當知事必爾奚以嗟嘆爲
兒童種旅葵芳葉正參差南風一披拂流光一生輝
玩之百憂忘濁醪聊自持

望鍾山作簡周先輩

有序

春旭載和鍾山在望道光泉之嫩碧宜嚙朱湖洞之
飛丹可尋爰憶舊浙輒形新咏不慚下側以豔高情
云爾

鍾山宛如沐繡巘孕春饒生黃歸灌棠駭綠亂陵苕

谷沸桃雀集颺迴川景嬌茲今愧畜軫宿昔憶聯鑣
陟峻鼻生火酣芳臉帶潮詩情霞閒迴酒纈望中銷
偏憐晴蘿思長麗涼月宵文園病渴吻沈生減圍腰
江表周公子華采雙鳳翹逸興如遄舉相隨擷鞠苗
題方方壺畫鍾山隱居圖

余十年不作詩見方壺子此圖不覺逸興頓生會仲
修求題忻然命筆第塵土襲人者久殊不能佳耳詩
曰

飄飄方壺子本是仙者倫固多幻化術筆下生白雲

白雲縹緲閒拔起青嶙峋似是朱湖洞笙鶴遙空聞
豈無許飛瓊烹芝噀華芬鍊師從何來面帶山水文
相期守規中結庵在雲村心游帝象先神棲太乙根
我噉上清訣衛以龍虎君內涵元命祕一氣中夜存
行當去採藥共入無窮門

題新竹圖送張齊賢

二章有序

齊賢鄉尊丈丈春秋之高今躋九十誠邦家之人瑞
州里之禎祥也慶旦將臨預繪新竹圖於扇以爲壽
且侑以詩三章一章美其德二章期其年三章願其

後之華榮也里中子宋濂上

猗猗淇園竹寫之紈扇中持以奉翁壽期翁如武公
猗猗淇園竹閱歲常青青持以奉翁壽願翁逾百齡
猗猗淇園竹本根蔚且蕃持以奉翁壽顯融多子孫

答胡將軍

將軍去征蠻軍氣如鷹揚寶劍白玉璫鐵馬青絲韁
旌甲帶亮月笳簫激清商韓彭當後拒褒鄂作前行
顧盼多恣態出入生容光奮迅東海濱海水爲騰驤
定如漢貳師去縛樓蘭王想見凱旋時橫槊賦篇章

椎牛饗壯士歌之侑行觴功勲銘鼎鼎永世不能忘

示呂生

有序

六經之後幾無文矣近世學者專攻浮縟之章動以鼓吹六經爲辭予實病焉因爲呂生賦此以藥矜文而喪德者

呂生家潯陽昂藏若飢鵠持刺望門拜不復資介紹手持縹囊書蠅頭寫芒秒病眼花暈生力覽始能了詞鋒剛且銳無異鏘斯趙汙萊盡瘁劉糜芭植如旄風枝動嫋嫋秋實垂嫋嫋豈比稗與蕒難復稱春搗